

KAHLOLO E NENG



KAHLOLO-KAE? NENG?

Hangata re nahana hore letsatsi la ho ahlola la Molimo ke nakong eo batho bohle ba tlamehang ho ema kapele ho setulo sa kahlolo e le ho arabela tsela eo re phetseng ka eona.

Hantle Bibe le ka ho hlaka e ruta hore kahlolo e se e qalile ntho e ka etsang lilemo le hore entse e tsoela-pele motsotsong ona leholimong! Ena ke polelo e makatsang ruri, empa sena Bibe le e se hlalosa e le 'nete.

“Hobane (Molimo) o beile letsatsi le leng leo o tla ahlola lefats’e ka ho loka” (Liketso 17:31).

Molimo o khethile nako eo a tlang ho ahlola ka eona. O beile nako ena khale. Empa re tla tseba joang ha nako ea kahlolo e qala, kapa haeba e se e qalile?

Qetellong ea Bibeale, Jesu o re:

“Bonang, ke phakisa ke e-tla, ‘me ke ts’oere moputso oa ka, ho putsa e mong le e mong ka ho lekanang liketso tsa hae”
(Ts’enolo 22:12).

Haeba Jesu o tlisa moputso oa motho e mong le e mong ka ho lekana liketso tsa hae ho khutleng ha Hae, hona ho bolela hore mosebetsi oa kahlolo o tlameha ho qala pele ho ho khutla la bobeli ha Jesu.

Molimo o tlameha ho batlisisa ka boemo ba motho e mong le e mong pele Krete a e-tla hore na ke mang ea lokelang ho fuoa bophelo bosa feleng kapa lefu le sa feleng.

Lentsoe la Molimo le re bonts’a ka mokhoa o hlakileng mola o arolang pakeng tsa ba pholohileng le ba lahlehileng ho khutleng la bobeli ha Jesu Krete. Kahlolo e tla be e entsoe ho bonts’a bokamoso ba bohle nakong eo.

“Se makaleng ke hoo, hobane nako ea tla, eo bohle ba mabitleng ba tla utloa lentsoe la hae; ‘me ba tla tsoa ho ‘ona, ba entseng hantle ba tsohele bophelo, ‘me ba entseng hampe ba tsohele tsuo.” (Johanne 5:28, 29)

“Bonang ke le bolella sephiri; ha re ka ke ra robala bohle, empa re tla fetoha bohle, hang, ka ho panya ha leihlo, ka torompeta ea morao, hobane torompeta e tla lla, ‘me bafu ba tla tsoha, ba se ke ba boela ba bola, ‘me le rona re tla fetoha. Hobane e ka khona ho bolang hona ho apare ho sa shoeng. ‘Me etlare ha ho bolang hona ho apere ho sa shoeng, ke moo polelo e ngoliloeng e tla phetheha, e itseng: Lefu le metsitsoe ke hlolo. Na lefu, tsenene ea hao e kae na? Tsenene ea lefu ke sebe, ‘me matla a sebe ke molao. A re leboheng Molimo o re neileng ho hlola ka Morena oa

rona Jesu Kreste!” (1 Ba-Korinthe 15:51-57)



“Hobane Morena ka sebele o tla theoha leholimong ka mohoo ka lentsoe la arekangeloi, le ka terompeta ea Molimo, `me ba shoetseng ho Krete ba tla tsoha pele. Ebe moo, rona ba phelang ba saletseng nakong eo, re nkeloang marung ha mmoho le bona, ho ea khahlanyetsa Morena sebakeng, `me ka mokhoa o joalo, re tla ba le Morena ka mehla.” (1 Ba-Thesalonika 4:16, 17).

“Hobane efela ho lokile hoba Molimo o busetse mats`oenyeho ho ba le ts`oenyang, `me lona ba ts`oengoang, le etsetsoe phomolo le rona, mohla Morena Jesu a bonahalang a e-tsoa leholimong, le mangeloi a matla a hae, ka mollo o tukang, ho iphetetsa ho ba sa tsebeng Molimo, le ho ba sa utloeng Evangeli ea Jesu Krete Morena oa rona. Bao ba tla otloa ka ts`enyeho e sa feleng, ba tlosoe pela Morena, le pela khanya ea matla a hae, ha

a e-tla ho tlotlisoa mohlang oo bahalaleling ba hae, le ho etsoa ea makatsang ka bohle ba lumetseng; hobane bopaki ba rona hara lona bo amohetsoe.” **(2 Ba-Thessalonika 1:6-10)**

Ba lokileng ba shoeleng ba tsoha e le ba ke keng ba hlola ba e shoa `me ba na le khanya ho hlaheng ha Jesu, ha bakhopo ba shoeleng bona ha ba na ho tsoha ho amohela kahlolo ea ho qetela ho fihlela lilemo tse sekete li fetile.

“Eaba ke bona litorone, `me ba bang ba lula holima tsona, ba filoe matla a ho ahlola, ka bona le meea ea ba khaotsoeng lihlooho ka baka la bopaki ba Jesu le ka baka la lentsoe la Molimo, le ba sa kang ba khumamela sebata, leha e le sets`oants`o sa sona, ba sa kang ba amohela lets`oao la sona liphatleng tsa bona le matsohong a bona, ba boela ba phela, `me ba busa le

Kreste lilemo tse sekete. Ha e le bafu ba bang, ha ba ka ba tsoha, lilemo tse sekete tseo li e-so ho phethehe. Eo ke tsoho ea pele. Ho lehlohonolo, ho halaletse ba nang le kabelo tsohong ea pele; hobane lefu la bobeli ha le na matla holima ba joalo, empa e tla ba baprista ba Molimo le ba Kreste, 'me ba tla busa le eena lilemo tse sekete.'"
(Ts`enolo 20:4-6).

Kahlolo ea hore na ke mang ea tla bolokeha le hore na ke mang ea tla ea tahlehong e tlameha ho ba pele ho tsoho ea ba lokileng ha Jesu a e tla.

Ntle le mona, bahalaleli le baetsalibe ka mokhoa o ts`oanang ba ne ba ka tsosoa ha mmoho le ho aroloa ka morao ho ho khutla khetlo la bobeli. Empa lentsoe la Molimo le hlalosa ka mokhoa o sa foseng hore bao ba tsohang tsohong ea pele malebana le ho khutla la bobeli la Jesu ba se ba ahloletsoe ho ba le bophelo bo sa feleng.

Sena ke sepheo sa karolo ea kahlolo ea patlisiso.

Na re a tseba hore na kahlolo ena ea Molimo e se e qalile neng, kapa e se e qaliloe? Na Bibe e ka re thusa ho tseba letsatsi leo Molimo a le reretseng kahlolo?

E, Bibe e hlakisa hantle nako ea kahlolo.

Daniel o ile a fumana lipono tse ngata ho tsoa ho Molimo malebana le lintho tse tla etsahala

matsatsing
a ho qetela,
hape le
lintho tse
ngata tsa
bohlokoa.

Khaolong
ea borobeli
ea Daniel e



na le pono eo Molimo a mo fileng eona e leng ka matla a tla tlisa ts`enyeho bathong ba Molimo le ho `nete. Ka morao a utloa lentsoe le botsang le re: Maemo a na a nyarolang a tla tsoela pele ho fihlela neng, `me karabo ea tla ha morao, *“A re ho `na: E tla ba likete tse peli tse nang le makholo a mararo a baloang matsiboea le hosasa, sehalalelo se ntoo hloekisoa.”* **(Daniel 8:14).**

“Kahlolo e ntse e tsoela-pele leholimong ha batho ba ntse ba phela maphelo a bona lefats`eng. Lerato le matla a leholimo li tseba ho ahlola lerato la rona ho Molimo.”

Tlhoekiso ea sehalalelo e bolelang? Ke mang ea se hloekisang, `me o se hloekisa joang?

Lits`ebeletso tsa mahlabele tseo Molimo o faneng ka tsona ho batho ba Hae ba Testamente ea khale, O ne a ba fa thuto ea leano la topollo hore ba le utloisise ka tumelo hore na ho tla etsahala ke`ng ha Mesia a se a tlike. Sehalalelo e ne e le moaho o motle o kamore li peli- sehalalelo le sehalalelisiso.

Ha motho a ne a entse sebe nakong ea Testamente ea khale, o ne a tlisa konyana lepatlelong



la
sehalalelo.
Moo o ne a
beha
letsoho la
hae holima

hlooho ea phoofolo e be o bolela sebe sa hae, `me ka letsoho la hae o hlaba konyana ena e senang molato ho etsa sehlabelo.

Hona ho ts`oants`a ho tlosoa ha sebe sa motho ho ea konyaneng ea Molimo eo e neng e tla shoa ho pholosa batho bohle.

“Bonang konyana ea Molimo e tlosang libe tsa sebe sa lefats’e.” (Johanne 1:29).

Joale Moprsta (o ne a emela Jesu) o tla khaketsa mali ka sekotloloana. `me e be ka ona o tlotsa manaka a aletare kapa a a nkele ka sehalalelong-moo a neng a fafatsa ha supa holima lesira le neng le arola likamore tsena tse peli. Sena se ts`oants`a ho tlosoa ha sebe ho motho ho ea ho tente ea pokano.

“Ha ekaba ke motho feela oa sechaba ea entseng sebe ka ho se tsebe, ka ho tlola o mong oa melao ea Jehova, ka ho etsa tse

sa ts`oanelang ho etsoa, o entse molato. Etlare ha a lemosoa sebe seo a se entseng, o tla hlahisa sehlabelo bakeng sa sebe seo a se entseng, e le poli e ts`ehali, e senang sekoli. O tla bea letsoho la hae hloohong ea poli ea sehlabelo sa sebe, 'me o tla e hlaba `ngalong ea lichesho.

Moprsta o tla nka mali a mang a eona ka monoana, a a bee manakeng a aletare ea lichesho; mali a setseng kaofela o tla a ts`ollela fats`e aletareng. O tla nka mafura a eona kaofela joalo ka ha ho nkoa mafura a sehlabelo sa teboho, `me Moprsta o tla a chesa aletareng, e be monko o monate ho Jehova; Moprsta o tla mo etsetsa joalo pheko ea sebe seo a se entseng, `me o tla se ts`oareloa. Ha ekaba a hlahisa nku ea sehlabelo sa sebe, o tla hlahisa e ts`ehali, e senang sekoli. A bee letsoho la hae hloohong ea nku ea sehlabelo sa sebe, a e hlabe bakeng sa sebe sa hae moo ho

hlabeloang lichesho. Moprista o tla nka ka monoana oa hae mali a mang a nku, a a bee manakeng a aletare ea lichesho, `me mali a setseng kaofela a ntoo a ts`ollela fats`e aletareng. O tla nka mafura kaofela ka moo ho nkoang mafura ka teng, a nku e tona ea sehlabelo sa teboho, `me Moprista o tla a chesa aletareng, e be sehlabelo se cheselitsoeng Jehova ka mollo. Moprista o tla mo etsetsa joalo pheko ea sebe seo a se entseng, `me o tla se ts`oareloa.”
(Levitike 4:27-35).

Letsatsi le letsatsi, selemo ho pota, libe tsa batho li ne li tlosoa ho moetsalibe ho ea ho sehlabelo ho ea ho tente ea pokano. Libe li ne li bokellana moo ho fihlela letsatsing la leshome la khoeli ea bosupa. Ka letsatsi leo, eleng letsatsi la lipheko, ts`ebeletso e mahlonoko eo Molimo a neng a tlosa sebe ka ho hloekisa sehalalelo libe tsohle tsa selemo kaofela.

Batho ba ile ba eleloa hore nakong ena ke ea kahlolo eo ka eona boits'oaro ba maphelo a bona a beoang ka pele ho Molimo le ho etsa qeto ka libe tseo ba li entseng.

Molimo o re: *“Molao oo e tla ba o sa feleng ho lona, ke oona: Ka khoeli ea bosupa, ka letsatsi la leshome la khoeli, le tla hlomola lipelo tsa lona; le tla lesa mesebetsi eohle, kapa e leng ba jakileng hara lona. Hobane ka letsatsi leo, le tla etsetsoa pheko, le tle le hlatsuoe; le tla hlatsuoa libe tsa lona tsohle pela Jehova. E tla ba ho lona Sabbatha, letsatsi la phomolo, `me le tla hlomola lipelo tsa lona. Ke molao o sa feleng. Pheko e tla etsoa ke Moprista ea tlotsitsoeng, ea beiloeng ho etsa boprista sebakeng sa ntata`e, `me o tla apara liaparo tsa lene tse khethehileng, o tla etsetsa sehalalelisiso se khethehileng pheko, o tla etsetsa tente ea pokano le*

aletare pheko, o tla etsetsa le baprista le batho kaofela ba phutheho pheko.”
(Levitike 16:29-33).

Motho eo a neng a sa itlhatlhobise bophelo ba hae le ho ipolela libe tsa hae kapele ho Molimo ka letsatsi la lipheko, Molimo o ne a mo nka joalo ka motho ea sa bakang, `me ha a lokeloe ke ts`oarelo.

Ts`ebeletso ena ea selemo se seng le se seng e ne e ts`oants`a tsela eo Molimo o tla tlosa sebe ka mokhoa o feletseng nakong ea ho qetela.

Letsatsi la lipheko le ne le emela kahlolo ea lefats`e kaofela, leo ho bonahalang ba ipoletseng libe tsa bona, ba amohetseng mali a Jesu, le bao ba sa etsang joalo.

`Me nakong eo Molimo a neng a bolella Daniel hore kamora matsatsi a likete tse peli le makholo a mararo sehalalelo se tla hloekisoa, O ne a supa nako ea ho ahlola.



Baithuti ba hlokometse ka lilemo hore boporofeteng ba Bibeletseatsi le le leng le lekana le selemo se le seng.

“Joale ka ha le qetile matsatsi a mashome a mane le hloela naha, ka mokhoa o joalo le tla jara kotlo ea makhopo a lona ka lilemo tse mashome a mane, selemo se le seng se eme bakeng sa letsatsi le le leng.”

(Numere 14: 34).

“...`Me o tla jara bokhopo ba ntlo ea Juda ka ts`iu tse mashome mane; ke u nea ts`iu

ka `ngoe ho lekanya selemo se seng.”
(Ezekiele 4:6).

Boprofeta ba matsatsi a likete li peli le makholo a mararo, joale e tla ba lilemo tse likete tse peli le makholo a mararo. Molimo o ile a bolella Daniel hore tlhoekiso ea sehalalelo, kahlolo e tla qala kamora pheletso ea lilemo tseo. Haeba re ka fumana hore na nako e ne e qala neng, re tla tseba moo e fellang teng- nako ea kahlolo e tsoelapele.

Daniel 9:23-25 e fana ka karabo. Lengeloi le tsoang ho Molimo le fana ka tlhaloso ho Daniel: *Ela lentsoe hloko, u utloisise pono. Veke li mashome a supileng tse baliloeng holima sechaba sa heno, le holima motse oa heno o halalelang, ho koalla bobbe, le ho felisa sebe, le ho phekola bokhopo, le ho hlahisa ho loka ha sa feleng, le ho tlisa pono le boprofeta, le ho tlosa*

sehalalelisiso. Tseba ka hona, u utloisise hore, ho tloha taelong e boelang hore Jerusalema o tla tsosoa, o hahuo, ha e tsoile, ho fihlisa ho Motlotsua Morena, ho tla feta veke tse supileng; ka veke tse supileng, ka veke tse mashome a ts'eletseng le metso e meli, motse o tla tsosoa, o hahuo le maphatlelo a oona, le marako a oona, empa e tla ba ka matsatsi a mahlomola.” (Daniel 9:23-25).

Lengelo le hlalositse Daniel pono eo a neng a sa e utloisise ea boprofeta – e leng moelelo oa nako eo.

Libeke tse mashome a supileng (Lilemo tse 490 kapa matsatsi) li tlosoa ho lilemo kapa matsatsi a 2300 `me li baloa holima sechaba sa Juda feela.

Boporofeta ba matsatsi a 2300 bo tlameha ho qala le libeke tse mashome a 70 moo ho etsoang molao oa ho aha/tsosa marako a Jerusalema (25) Artaxerxes o ile a

phatlalatsa molao oa ho tsosa marako a Jerusalema ka selemo sa 457BC. Joale lilemo tse 2300 ho tloha ka selemo seo sa 457BC se re bea ho AD1844, moo sehalalelo se tla beng se hloekisoa.

Re ka ba le bonnete ba hore matsatsi a na a nepahetse ka ho lekola bophelo ba Jesu. Daniel 9:25 e bua ka libeke tse 69 kapa lilemo tse 483 tse tla feta ho tloha mohla taelo ea ho aha Jerusalema ho fihlela Mesia a tlang. Ka selemo sa AD 27, hantle lilemo tse 483 tse latelang 457 BC, Jesu o ile a kolobetsoa ke Johanne, `me sena se ts`oaea ho qala ha mosebetsi oa hae. O ile a ruta, *“Nako li phethehile, `muso oa Molimo o atametse”* (**Mareka 1:15**).

Ke nako efe e phethehileng? Boporofeta ba Daniel 9:25 bo re bonts`a hantle nako ena. Re ka ba le bonnete bo tiileng hore

sehalalelo se qalile ho hloekisoa ka 1844, joalo ka ha Molimo a boletse.

Sehalalelo sa Testamenta ea khale sa Molimo se ne se se se le sieo ka 1844, hobane Ba-Roma ba ne ba se senye ka AD 70. Sehalalelo se qaliloeng ho hloekisoa ka 1844 e ne e le sehalalelo sa leholimo sa Molimo. A re bale: *“Joale sehlooho sa litaba tseo re li boletseng, ke hoba re na le moprista e moholo hakalo, ea lutseng letsohong le letona ho terone ea Boholo maholimong; eo e leng mosebeletsi ea sehalalelo, le oa tabarnakele ea sebele e hlomiloeng ke Morena, e seng ke Motho.”* **(Ba-Heberu 8:12).**


“Hobane Krete ha a ka a kena sehalalelong se entsoeng ka motsoho, e leng sets`oants`o feela sa sa sebele, empa o kene leholimong la sebele, a tle a hlahe

joale pel'a sefahleho sa Molimo, sebakeng sa rona.” (Ba-Heberu 9:24).

Buka ea Ba-Heberu e re bonts`a hantle hore sehalalelo sa Testamente ea khale e ne e le sets`oants`o sa sehalalelo sa leholimo. Lits`ebeletso le mekete Testamenteng ea khale e ne e le liriti tse ts`oants`ang seo Jesu a tla se etsa ka sebele ha a sebetsana le sebe. **(Sheba Ba-Heberu 8:1-6 , 9:1-28).**

Joale letsatsi la lipheko ke moo ho hloekisoang sehalalelo sa lefats`e sebe ka mosebetsi oa kahlolo e ne e le sets`oants`o, se supang tlhoekiso ea sebele ea sehalalelo sa leholimo ke Jesu moprista oa rona e moholo, Ea qalileng mosebetsi oa kahlolo ka 1844, `me e sale a o qala ho fihlela joale.

Ho ahloleng ha Molimo maphelo a rona a lula a le pepeneng hore a ka a hlahlobisa ka mokhoa o hlakileng.



Leholimo le ts`oaea ka nepo bophelo ba motho e mong le e mong. Lintho tseo re li etsang kapa re sa li etseng, lipolelo tseo re li buang, le lintho tseo re li nahanang kaofela ha tsona Molimo oa li boloka.

Jesu o re: *“Ka letsatsi la kahlolo, batho ba tla tsekisoa polelo e `ngoe le e `ngoe ea bosaoana eo a e boletseng.”* **(Mattheu 12:36).**

Ha ho letho leo le ka lulang le patiloe ho Molimo. *“Hobane Molimo o sa tla isa mesebetsi eohle kahlolong, le tse patiloeng kaofela, leha e le tse ntle, leha e le tse mpe.”* **(Moeklesia 12:14).**

Molimo o na le buka ea bophelo moo a bolokang lebitso la motho e mong le e mong ea amohelang Jesu. *“Ha phetloa libuka; ha phetloa buka e `ngoe, e leng buka ea bophelo; `me bafu ba ahlola ka tse*

ngoliloeng libukeng tseo, e leng ka mesebetsi ea bona.” (Ts`enolo 20:12).

Mali a Jesu a koahela sebe sa motho nakong eo a inehelang ho Morena, `me lebitso la hae le hlaha bukeng ea bophelo.



Molimo o boela
a tsoelapele ho
ngola ka
bophelo ba
hae, hore na o
eme a
ts`epahetse

bo-inehelong ba hae ho Jesu kapa che.

Molimo ha a hloke libuka ho ikhopotsa hore na ke mang ea amohetseng Krete. Ha a hloke ho sheba libuka hore na re eme joang kapele ho Eena.

Molimo o tseba motho e mong le e mong ka mokhoa o feletseng. O tseba maikutlo a rona le litakatso tsa rona tse boleloang.

Empa ka baka la ho batla ho khotsofatsa libupuo a tsa Hae lefats`e lohle, Molimo o boloka ka ho hlaka bophelo ba motho ka mong. Ka mora hore bothata ba sebe bo fele `me ba pholositsoeng ba qala bophelo bo sa feleng le Molimo, ha ho na ba le lipotso tse hlahang malebana le ho ahlola ha Molimo le lerato la Hae. Libuka li teng hore e mong le e mong a hlahlobe le ho ikhotsofatsa ka bo eena hore Molimo o ahlotse ka toka taba ka `ngoe.


U oa hlokomela hore kahlolo e tsoelapele leholimong nakong eo batho ba phelang maphelo a bona lefats`eng. Ha re hlahe ka borona, kapele ho terone ea Molimo o ikarabella. Lerato le bohlale ba Molimo bo tseba ho hlolohanya lerato le mosebetsi oa rona ho Eena.

Feela ba hanneng mpho ea Molimo ea ts`oarelo ba tla ema kapele ho terone ea

Molimo ho utloa phatlalatso ea kahlolo. Ka mora lilemo tse sekete ba khopo ba tla tsoha ho ahloloa.

“Ka ntoo bona bafu ba banyenyane le ba baholo ba eme pela terone, ha phetloa libuka...`me bafu ba ahloloa ka tse ngoliloeng libukeng tseo, e leng ka mesebetsi ea bona...`me e mong le e mong ea sa kang a fumanoa a ngoliloe bukeng ea bophelo, a akheloa lets`eng la mollo.” (Ts`enolo 20:12-15).

Ke nako eo motho e mong le e mong bokamoso ba hae bo tla bo eme joalo ka ha bo le joalo. Motho ka mong o tla ba a entse qeto ea ka ho safeleng malebana le bophelo kapa khahlanong le bona. Kahlolo e ipapisitse le khetho eo u tla be u e entse feela. Khetha bophelo hona joale!



Rona re baetsalibe, 'me re hlaha re le molato libukeng tsa leholimo. Empa ha re lumela ho Krete, otl'a ema bakeng sa rona mohla kahlolo, 'me ka lebaka la mali a Hae, joalo ka a konyana libe tsa rona li tla hlakoloa li ts'oareloe. Ke kahoo re tla ba lokeloang ke moputso oa bophelo.

“Bana ba ka, ke le ngolla taba tseo, le tle le se ke la etsa sebe. Ekare ha motho a entse sebe, re na le moemeli pela Ntate: ke Jesu

Kreste ea lokileng. Ke eena e leng pheko ya libe tsa rona; e seng ea tsa rona feela, empa e le le ea tsa lefats'e lohle. (1 Johanne 2:1).

***“Bonang, ke phakisa ke e-tla, ‘me ke
ts’oere moputso oa ka, ho putsa e
mong le e mong ka ho lekanang liketso
tsa hae”***

(Ts’enolo 22:12)